

Iskopirani i dostavljeni
- 1x rukovodilac kps
- 1x šefin ispostave
- 1x potp. ods. za Prom. i op.
- 1x potp. ods. za Fin. i N.

28. januar / siječanj 2010

Broj 2 – strana 215

škole i akademije. Ove institucije mogu biti u sastavu univerziteta što se regulira posebnim ugovorom.

Članak 154.

(Priznavanje inozemnih kvalifikacija i perioda studija)

Do donošenja jedinstvenog Okvirnog zakona o priznavanju inozemnih kvalifikacija primjenjivat će se odredbe Zakona o nostrifikaciji i ekvivalenciji inozemnih školskih svjedočanstava – prečišćeni tekst („Službeni list SR BiH“ broj: 7/88).

Članak 155.

(Prestanak važenja ranijih propisa)

Stupanjem na snagu ovog Zakona prestaje da važi Zakon o visokom obrazovanju („Službene novine Bosansko-podrinjskog kantona“ broj: 10/06).

Članak 156.

(Stupanje na snagu)

Ovaj Zakon stupa na snagu osmog dana od dana objavljivanja u „Službenim novinama Bosansko-podrinjskog kantona Goražde“.

Broj:01-02-69/10
26.siječnja 2010g.
G o r a ž d e

PREDSJEDATELJ
Alija Begović, v.r.

157

Na temelju članka 33.a Ustava Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/98, 10/00 i 5/03), **d o n o s i m:**

U K A Z

O PROGLAŠENJU ZAKONA O IZMJENAMA I DOPUNAMA ZAKONA O POREZU NA PROMET NEPOKRETNOSTI I PRAVA

Proglašava se Zakon o izmjenama i dopunama Zakona o porezu na promet nepokretnosti i prava, koji je Skupština Bosansko-podrinjskog kantona Goražde donijela na 32. redovitoj sjednici održanoj 26. siječnja 2010.godine.

Broj:02-02-40/10
26. siječnja 2010.g.
G o r a ž d e

PREMIJER
Nazif Uručić, v.r.

158

Na temelju Poglavlja IV Odjeljak A članka 23. Ustava Bosansko-podrinjskog kantona Goražde, („Službene novine Bosansko-podrinjskog kantona Goražde“, broj: 8/98, 10/00 i 5/03) i članka 106. Poslovnika Skupštine Bosansko-podrinjskog kantona Goražde („Službene novine Bosansko-podrinjskog kantona Goražde“, broj:10/08), Skupština Bosansko-podrinjskog kantona Goražde, na 32. redovitoj sjednici, održanoj 26. Siječnja 2010.godine, **d o n o s i:**

Z A K O N O IZMJENAMA I DOPUNAMA ZAKONA O POREZU NA PROMET NEPOKRETNOSTI I PRAVA

Članak 1.

U Zakonu o porezu na promet nepokretnosti i prava („Službene novine Bosansko-podrinjskog kantona Goražde“ broj:18/01), u Poglavlju VII – Poreska oslobođanja, u članu 17. stavak 1. točka 5. se mijenja i glasi:

5. na prenos vlasništva na nepokretnostima i pravima na koje se ne plaća porez na naslijeđe i poklon prema Zakonu o porezu na imovinu, naslijeđe i poklon;

U Poglavlju VII – Poreska oslobođanja, u članku 17. stavak 1. dodaju se nove točke 7, 8, 9, 10. i 11. koje glase:

7. u slučaju udruživanja sredstava po temelju sufinanciranja stambene izgradnje;

8. kada se prilikom utemeljenja gospodarskog društva nepokretnost unosi kao utemeljiteljski ulog;

9. kada se nepokretnost unosi naknadno u gospodarsko društvo u postupku dokapitalizacije;

10. kada se u postupku spajanja dva ili više gospodarskih društava u jedno ili diobe gospodarskog društva na dva ili više novih gospodarskih društava vrši prenos nepokretnosti u okviru raspoložive imovine gospodarskog društva.

11. kada državljani Bosne i Hercegovine koji imaju prebivalište na području Bosansko-podrinjskog kantona Goražde, a koji nemaju nepokretnosti u svom vlasništvu, prvi put kupuju nepokretnosti (stan ili kuću) kojom rješavaju vlastito stambeno pitanje i to za površinu do 25 m² po članu porodičnog domaćinstva, a kojima se smatraju braćni drug i djeca prijavljeni na istoj adresi.

U Poglavlju VII – Poreska oslobođanja, u članku 17. stavak 2. se mijenja tako da sada glasi:

Ako veličina nepokretnosti koju kupuje državljanin Bosne i Hercegovine prelazi površinu iz točke 11. stavak 1. ovog članka tada se porez plaća samo na višak stambenog prostora.

U Poglavlju VII – Poreska oslo-

bađanja, u članu 17. iza stavak 2. dodaju se novi stavci 3. i 4. koji glase:

Porez iz točke 11. stavak 1. ovog članka plaća se ako se nepokretnost otuđi u roku od 5 godina od dana kupovine prve nepokretnosti, odnosno ako porezna uprava naknadno utvrdi da nisu bili ispunjeni uvjeti za porezno oslobođanje.

Dokapitalizacijom u smislu odredaba ovog zakona smatra se unos nove nepokretnosti u imovinu društva.

Članak 2.

U Poglavlju XII – Kaznene odredbe, u članu 25. stavak 2. se briše.

Članak 3.

U Poglavlju XII – Kaznene odredbe, iza članka 25. dodaje se novi članak 25. koji glasi:

Novčanom kaznom od 1.000 KM do 10.000 KM, kaznit će se za prekršaj porezni obveznik-pravna osoba:

1. ako članovima povjerenstva ne omogući pristup nepokretnostima radi utvrđivanja vrijednosti nepokretnosti (članak 7),

2. ako ne podnese poresku prijavu za razrez poreza u roku i na propisan način (članak 11),

3. ako razrezni porez na promet nepokretnosti i prava ne plati u propisanom roku (članak 13.).

Za radnje iz stavka jedan ovog članka kaznit će se za prekršaj i odgovorna osoba u pravnoj osobi novčanom kaznom u iznosu od 100 do 500 KM.

Članak 4.

Ovaj Zakon stupa na snagu osm-

